



30 November 2011
30 November 2011
P.U. (A) 388

WARTA KERAJAAN PERSEKUTUAN

FEDERAL GOVERNMENT GAZETTE

KAEDAH-KAEDAH TENAGA BOLEH BAHARU (MENDAPATKAN WANG OLEH PEMEGANG LESEN PENGAGIHAN) 2011

RENEWABLE ENERGY (RECOVERY OF MONEYS BY DISTRIBUTION LICENSEE) RULES 2011



DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA TENAGA BOLEH BAHARU 2011

KAEDAH-KAEDAH TENAGA BOLEH BAHARU (MENDAPATKAN WANG OLEH PEMEGANG
LESEN PENGAGIHAN) 2011

SUSUNAN KAEDAH-KAEDAH

Kaedah

1. Nama dan permulaan kuat kuasa
2. Tuntutan bagi mendapatkan wang daripada Kumpulan Wang Tenaga Boleh Baharu
3. Pihak Berkuasa menentusahkan tuntutan
4. Tuntutan yang berlebih-lebihan
5. Penemuan tuntutan yang berlebih-lebihan oleh pemegang lesen pengagihan
6. Tuntutan berlebih-lebihan oleh pemegang lesen pengagihan dengan sengaja
7. Penemuan tuntutan yang terkurang oleh pemegang lesen pengagihan
8. Pembayaran tuntutan
9. Pembayaran balik bayaran yang terlebih
10. Pembayaran bagi kekurangan
11. Kos pembekalan

AKTA TENAGA BOLEH BAHARU 2011

KAEDAH-KAEDAH TENAGA BOLEH BAHARU (MENDAPATKAN WANG OLEH PEMEGANG
LESEN PENGAGIHAN) 2011

PADA menjalankan kuasa yang diberikan oleh seksyen 19 dan perenggan 61(e) Akta Tenaga Boleh Baharu 2011 [Akta 725], Pihak Berkuasa Pembangunan Tenaga Lestari Malaysia membuat kaedah-kaedah yang berikut:

Nama dan permulaan kuat kuasa

1. (1) Kaedah-kaedah ini bolehlah dinamakan **Kaedah-Kaedah Tenaga Boleh Baharu (Mendapatkan Wang oleh Pemegang Lesen Pengagihan) 2011**.

(2) Kaedah-Kaedah ini mula berkuat kuasa pada 1 Disember 2011.

Tuntutan bagi mendapatkan wang daripada Kumpulan Wang Tenaga Boleh Baharu

2. (1) Seorang pemegang lesen pengagihan hendaklah, tidak lewat dari hari ketujuh pada setiap bulan, mengemukakan suatu tuntutan bertulis kepada Pihak Berkuasa bagi mendapatkan daripada Kumpulan Wang suatu jumlah yang bersamaan dengan perbezaan antara—

(a) jumlah tariff galakan yang dibayar oleh pemegang lesen pengagihan kepada pemegang kelulusan galakan mengikut seksyen 16 Akta; dengan

(b) kos yang selainnya kena ditanggung oleh pemegang lesen pengagihan itu untuk menjana amaun elektrik yang sama dengan yang dijana oleh pemegang kelulusan galakan itu berdasarkan kos pembekalan yang ditentukan mengikut kaedah 11,

berkenaan dengan jumlah yang telah dilakukan dalam bulan yang terdahulu.

(2) Seseorang pemegang lesen pengagihan yang membuat suatu tuntutan di bawah subkaedah (1) hendaklah memberikan maklumat yang berikut kepada Pihak Berkuasa:

- (a) butir-butir tentang tarif galakan yang dibayar oleh pemegang lesen pengagihan itu kepada setiap pemegang kelulusan galakan di bawah seksyen 16 Akta bagi bulan yang terdahulu;
- (b) butir-butir tentang kuantiti elektrik yang dibeli oleh pemegang lesen pengagihan daripada setiap pemegang kelulusan galakan sebagai balasan bagi tarif galakan yang disebut dalam perenggan (a);
- (c) pengiraan pemegang lesen pengagihan tentang perbezaan antara jumlah tarif galakan yang disebut dalam perenggan (a) dan kos yang selainnya kena ditanggung oleh pemegang lesen pengagihan itu untuk menjana kuantiti elektrik yang sama yang dibeli di bawah perenggan (b) berdasarkan kos pembekalan yang terpakai pada masa pembelian itu sebagaimana yang ditentukan mengikut kaedah 11; dan
- (d) apa-apa maklumat lain yang ditentukan oleh Pihak Berkuasa.

(3) Walau apa pun subkaedah (1), jika seseorang pemegang lesen pengagihan tidak membuat suatu tuntutan pada atau sebelum hari ketujuh bulan itu, pemegang lesen pengagihan itu boleh memasukkan jumlah yang tidak dituntut itu pada atau sebelum hari ketujuh pada bulan yang berikutnya.

Pihak Berkuasa hendaklah menentusahan tuntutan

3. Pihak Berkuasa hendaklah menentusahkan apa-apa tuntutan yang dibuat oleh seorang pemegang lesen pengagihan di bawah subkaedah 2(1) sebelum pembayaran dibuat kepada pemegang lesen pengagihan itu daripada Kumpulan Wang di bawah kaedah 7.

Tuntutan yang berlebih-lebihan

4. (1) Apabila tuntutan di bawah kaedah 3 ditentusahkan, jika Pihak Berkuasa mendapati bahawa seseorang pemegang lesen pengagihan telah menyatakan berlebih-lebihan tuntutan yang dibuat di bawah subkaedah 2(1), Pihak Berkuasa boleh meminta pemegang lesen pengagihan itu untuk menjelaskan secara bertulis mengenai tuntutan yang berlebih-lebihan itu dalam suatu tempoh yang dinyatakan dalam permintaan itu atau apa-apa lanjutan masa yang diberikan oleh Pihak Berkuasa.

(2) Apabila permintaan di bawah subkaedah (1) diterima, pemegang lesen pengagihan itu hendaklah memberikan penjelasan itu dalam tempoh yang dinyatakan dalam permintaan itu atau apa-apa lanjutan masa yang diberikan oleh Pihak Berkuasa.

(3) Apabila habis tempoh yang dinyatakan dalam permintaan itu atau apa-apa lanjutan masa yang diberikan di bawah subkaedah (1), Pihak Berkuasa hendaklah membuat suatu keputusan tentang tuntutan itu dengan mengambil kira perkara yang berikut:

- (a) penjelasan yang diberikan oleh pemegang lesen pengagihan, jika ada;
- (b) sama ada pemegang lesen pengagihan itu telah bertindak dengan suci hati; dan
- (c) apa-apa perkara lain difikirkan berkaitan oleh yang Pihak Berkuasa.

(4) Keputusan Pihak Berkuasa di bawah subkaedah (3) adalah muktamad dan hendaklah, dengan notis bertulis, dimaklumkan kepada pemegang lesen pengagihan itu.

Penemuan tuntutan yang berlebih-lebihan oleh pemegang lesen pengagihan

5. (1) Jika seseorang pemegang lesen pengagihan, pada bila-bila masa, mendapati bahawa ia telah menyatakan berlebih-lebihan tuntutan yang dibuat di bawah subkaedah 2(1), pemegang lesen pengagihan itu hendaklah memberitahu Pihak